

醫

案

醫案三吳治驗二卷目錄

王文川令郎內傷發黃一有吐瀉

施涇陽先生內人痰火二

屠侍軒尊眷產昏憤不知人事五

屠學恒廼眷產後作瀉四

周鑑泉令政傷寒譫語五

臧顧渚老先生兩耳掀痒六

王南崗咳嗽氣湧七

張桃津廼政小產後臍下痛八

陳光祿五更胸膈脹九

溧水令君夫人五更倒飽洩瀉十

李悅三夫人腹痛謔語如狂鼻衄十一

吳仲峰脾洩十二

張後溪令孫瘡疥發腫十三

張五橋夫人喘嗽十四

張東塾脊骨痛牽引胸腹皆痛十五

張淨宇發熱腹痛洩瀉嘔吐十六

朱近川胃院痛十七

文川公肛生一毒膿潰不收口 十八

李古愚胸膈飽悶大便澹泄 十九

姚惠全夜多洩瀉 二十

姚老夫人右手疼 二十一

一僕時疫頭痛發熱 二十二

一僕時疫頭痛如破 二十三

一僕時疫嘔吐煩躁口渴 二十四

馬鳳陽咳嗽內熱 二十五

倪二南內人小水不禁 二十六

嚴柱史令媳腹中有塊疼痛 二十七

陳鹿塘脹風臟毒大便燥結 二十八

張道南內人腹痛 二十九

張道南尊堂高上痰飲痞而惡 三十

馬迪庵內人奇痰症 三十一

董老夫人眩暈 三十二

張裕全惡寒發呃 三十三

嚴老夫人胸膈痞悶 三十四

王谷泉頭眩洩瀉汗出不止 三十五

方東望兩脇痛 三十六

一婦懷孕內熱咳嗽 三十七

一婦心痛唇紅虫症 三十八

倪二南內人小產小腹疼痛暈厥 三十九

倪少南右頰車浮腫疼痛 四十

倪少南內人經行如崩頭暈 四十一

高仰山內痔血裏急後重 四十二

姚娘子小腹疼 四十三

張五橋先生令政痰喘咳嗽 四十四

徐文學三泉令郎右脇脹痛四十五

王祖泉乃眷遍身痛四十五

費少垣乃眷孕痰喘胎逆四十六

費一吾令政孕子淋四十七

六娘子遍身痛汗大出昏昏如醉四十八

八娘子頭痛咳嗽痰多有血四十九

姚舟山內人胸脇痛五十

三垣渠令子室咳嗽心痛腰疼五十一

趙登年咯血痰火作痞五十二

張分守腰膝痠痛 五十三

鄭春元頭痛內熱 五十四

徐老夫人胸膈痞悶 五十五

張麗川咳嗽多痰糞門發癢 五十六

陳仰山內人小產二月而血大下 五十七

張溪亭乃春喉中梗梗有肉如炙燻 五十八

張溪亭令媳夢亡過祖母打其背 五十九

陳茂之勞倦色慾傷寒 六十

陳五山胃脘痛 六十一

吳小峰酒積作痛六十二

沈大叅痰飲痞滿六十三

王敬泉胸膈飽悶頭暈作吐六十四

張二官傷寒六十五

大司馬令媳產後暈厥發狂六十六

李蕪減茗泉瘡後作痢六十七

包繼可先生令眷孕而發瘡六十八

吳比郵公子病眼六十九

太守令侄筋痿七十

一書辦下泄

七十一

韓愈憲令媳怒後夜卧不安

七十二

歸老夫人夜來臍腹痛甚

七十三

丁春元令即瘡母

七十四

孫令君令媳產後謔語發熱洩瀉

七十五

吳來星先生楊梅風毒

有發明
七十六

潘見所老先生小盛价疳積

有發明
七十七

凌絳翁癩火吐紅喘嗽

七十八

周鳳亭濕熱壅滯發熱煩躁

有發明
七十九

周采石濕熱生痰痞悶八十

又令孫女龜背八十一

閔蜃樓虛損咳嗽令脊痛風竒疾有發明
八十二

金寄間令堂痢而胸高膨脹八十三

徐中宇之婦汗出如兩昏又憤又胸高要人足端

金達泉令政孕三月而痢赤白八十五

金元岩赤白痢八十六

金達泉瘡痢交作八十七

金壽間少陽陽明合病為瘡八十八

卷

淮陰胡少臯令卽夢遺令愛發熱咳嗽又友人奇

疾八十九

吳氏婦隱疾九十一

有發明

染匠之婦腸癰九十一

王祖泉臟毒下血九十二

醫案二卷

明新安生生子孫一奎文垣甫輯

門人余煌

子

素來

朋來

全閱梓

三具治驗

王文川令郎原傷飲食，又傷於冷菱等物，遍身發黃，眼如金色，夜發熱，天明則退，腹痛手不可近，號叫通宵，市醫因其黃而曰胡苜真矣，衆議以

草頭藥進予至。急止之曰。向以草藥幾誤其母。後欲誤其子乎。蓋脾胃喜溫惡寒。且此症乃食積釀成。而黃為濕熱所致。法當健脾。用溫暖之劑下之。濕熱去而黃自退。草頭藥性多寒。用之是損脾土而益其疾也。可用哉。即以保和丸一錢入備急丸五分作一次服之。少頃瀉一次。又少頃連下三次。積物所下甚多。腹痛盡止。再與調中丸服一月。不但一身之黃盡退。而步履輕捷如飛。其父喜曰。神不誤我。問曰。始議進

草頭藥者十九而孫君獨叱其非。余不能決而
決於神。神名孫君。服果有效。而吳我峰小樓等
曰。亦孫君之藥。神爾。設無孫君。神雖靈。何所顯
哉。衆拊掌而嘖。

施涇陽先生內人。年五十八。左脇有痞。勢升至
咽間。即脹悶。不知人事。遍身皆脹。不能卧。小水
赤。診其脉。兩寸關洪滑。六部皆數。予謂此痰火
症也。痰生熱。熱生風。故每發。人事不知。爾乃與
牛黃清心涼血丸。同黑虎丹服之。夜遂得睡。人

事亦安靜。再以二陳湯加滑石竹茹鬱金薄荷
黃芩前胡加燈心生姜煎服全安矣。

屠侍軒尊眷產一日而觸於怒大便洩瀉昏憤不
省人事大熱氣促汗多衆醫謂產後脉不宜大
今脉大而左手且散亂又汗出喘促法在不治
予曰固然書云醫而不起者有矣未有不藥而
起者也。且不藥而視其死與藥而或可圖生者
熱優予試之。亟與人參五錢。白朮三錢。炙甘草
一錢五分。炮姜二錢。肉蓯六分。五味子七分。煎

服其夜遂稍睡。予竊喜補而得睡。其陰陽和矣。
次早脉果稍收。歛喘促亦緩。大便前半夜瀉三
次。五更啜粥半盃。小便通利。大有生意也。再以
人參阿膠固元氣。定喘為君。白朮炮姜補脾為
臣。澤蘭葉退產後之熱。五味子斂神止汗。肉蓯
止瀉為佐。甘草和中為使。五帖而安。

屠學恒先生乃眷。以產後欠補。養而精神疲困。脾
胃亦弱。腹中間作痛。作瀉。脉兩手皆濡軟無力。
以六君子湯加藿香砂仁香附蒼朮澤瀉調理。

而安四

周鑑泉令政病傷寒發熱譫語口渴咳嗽胃脘痛
洩瀉嘔吐遍身發斑診之六脉洪滑予曰此火
陽陽明合病之症勢亦重矣急以升麻葛根湯
加滑石五味子進之服後汗大出下午即退涼
而譫語止晚進柴苓湯加五味子滑石其夜瀉
止神思始清次日左脉已和右脉亦有收斂予
喜曰可無恙也改用白芍藥為君陳皮柴胡酒
苓五味子牡蠣滑石柴苓澤瀉白芍藥為臣而

痊可五

大國博臧顧渚先生病兩耳掀痒唇燥舌乾咳嗽
吐濃痰脉左稍浮弦右洪滑此胃中痰火流入
肺經鬱積久而生熱生風也先以總管丸導其
痰又與黑虎丹祛其風熱繼以天荅粉薄荷
金葛根白桑子甘草黃連連翹蟬退煎服而安
六

王南崗咳嗽氣湧不能伏枕吐痰不已下午微熱
胃曷膨脹不知飽餓口乾舌上白胎厚小水短

少大便裏急後重間有紫黑血脉右關洪滑左手濡據脉症胃中有瘀血痰積而肺氣亦虛也法當先補而後瀉以人參白朮白芍藥柴胡黃連陳皮半夏五味子桔梗與三帖後察其肺脉已旺乃與總管丸下之去黑血屑極多諸症悉減再與紅六神丸調理而痊七

張兆津乃政原有小便癃閉之症又小產後三日臍下作疼夜分發熱口渴大便溏日三四度先與補中益氣湯加大黃素澤蘭葉牡丹皮服之

連進三帖。大便實矣。惟小便頻數。滴澀不斷。一
日夜二十餘次。夜分尤多。精神甚憊。脉雖五至。
不甚充指。此血虛有熱而氣亦滯也。濕熱在氣
分。故口中渴。血虛故膝下痛。法當峻補其陰而
淡滲其陽。以熟地黄三錢。黃柏一錢。補陰為君。
萆薢去濕熱為臣。瞿麥穗澤瀉淡滲為佐。烏藥
調氣甘草為使。服下臍痛全止。小便其夜亦不
起。連進三帖。病脫然矣。八

陳光祿松巖翁長厚君子也。而存心博愛。常五更

胃高脹疾。三吳名家遍延而治。寒熱溫涼藥味
 備嘗。竟無一効。禮子診之。右寸軟弱。左平。兩尺
 亦弱。予曰。此肺腎二經之不足也。補而飲之。可
 無恙矣。以補骨脂。山茱萸。人參。各三兩。鹿角膠
 鹿角霜各五兩。杜仲。巴戟。白茯苓。車前子。各一
 兩。五錢。乾山藥。二兩。鹿角膠。酒化為丸。空。心。淡
 鹽湯送下。又以御米。壳去筋膜。蜜水炒。三兩。訶
 子。麩。煨去核。一兩。陳皮。一兩半。煉蜜為丸。五更
 枕上白湯送下。一錢服一月。病不再發。翁由是

交予極驩也。及見予玄珠稿。大稱快。語曰。醫家
凡得一方。輒自秘。以為高。君獨欲公諸人。是有
意於壽蒼生者。亟付剞劂。予當助梓。因手錄予
百餘方。製丸散以施。而亦無人德我之望。九

溧水令君吳湧瀾公尊夫人。每五更倒飽。必瀉一
次。腹常作脹。間亦痛。脉兩手寸關洪滑。兩尺沉
伏。予曰。此腸胃中有食積痰飲也。乃與總管丸
三錢。生姜湯送下。大便雖行。不甚順利。又以神
授香連丸和之。外用滑石甘草木香枳壳山查

陳皮白芍藥酒連調理而安。十

李悅齋先生夫人，胃脇大腹作疼，謔語如狂。寅卯辰三時稍輕。午後及夜痛甚，晝夜不睡，飲食不進者十八日。究其故，原有痰火與頭疼牙疼之疾。又因經行三日後頭疼發寒熱，醫以瘡治，因大惡熱。三四人交扇之，而兩手浸冷水中，口噙水而不嚙，鼻有微衄。又常自悲自哭，目以多哭而腫，痛時即壁上亦欲飛去，劇則咬人。小水直下不固，喉梗梗吞藥不下。脉則左絃數，右關洪。

滑予曰。此熱入血室症也。誤服治瘡剛燥之劑。而動痰火。以致標本交作。諸人猶謂熱入血室。當夜間譫語如狂。如見鬼。何至胸脇疼劇咬人也。予曰。仲景云。經水適來。適止得疾。皆作熱入血室治之。治全少陽。而以小柴胡湯為主。加涼血活血之藥。此古人成法可守也。痛極咬人者。乃胃虛。虫行求食。而不得。故喉中梗梗然也。即以小柴湯加桃仁丹皮。而譫語減。次日以安純湯與服。而疼隨止。飲食進。遂駸駸有生意。十一

吳仲峰先生邀予診時為仲秋初二日也六部皆
沉微而左尤甚隱隱如珠絲之細症則原以腸
風去血過服寒涼致傷脾胃自春至秋脾洩不
愈日夜十二三行而色黃白帶青兩頤浮腫四
肢亦浮小便不能獨利利必與大便並行腸鳴
四肢冷口不渴飲食大減口唇齟肉皆白其為
人也多憂思夫四肢者脾之所主清冷為陽氣
不充兩頤乃腎經部位浮腫益見腎氣之不足
也脉沉微其面色黃腫皆屬於濕書云諸濕腫

一滿皆屬脾土。合脉症視之。由脾虛不運。積濕而然。虛寒明矣。病至此勢亦甚危。第形症相符。色脉相應。又能受補。庶幾可生也。法當大溫補升提。以東垣益胃升陽滲濕湯。加減調理。人參三錢。白朮五錢。黃耆二錢。茯苓益智仁。蒼朮澤瀉各一錢。大附子五分。炮姜炙甘草升麻。防風各五分。連服八帖。諸症悉減。乃囑之曰。病雖暫愈。宜戒生冷憂思。庶服藥有效。切勿輕犯。犯之非藥石可回也。翁曰。諾。敢不唯命。十二

張後溪先生令孫遍身瘡疥浮腫腫自足背起漸
腫上大腿今且至腹大便洩瀉發熱不得安寢
此風濕之症當令與時違之候治從開鬼門潔
淨麻二法使清陽升則瀉可止小水利則浮腫
可消上下分去其濕之意也蒼朮一錢薏苡仁
桑白皮各三錢青蒿防風升麻柴胡各五錢大
腹皮五加皮赤茯苓澤瀉各六分八帖全安十
三

府佐張五橋先生夫人患喘嗽夜分氣壅不能仰

同體素弱。脉右滑大。左細弱。每咳嗽必連連數
千聲。痰不易出。其逆作吐。以東垣人參平肺散
加減治之。四日而愈。人參桑白皮地骨皮青皮
茯苓五味子知母滑石麥芽天麻粳米甘草。水
煎服。夜與白丸子。十四

方東壁患脊骨痛。牽引胃腹皆疼。舌上黃胎甚厚。
脉沉滑而數。先與川芎羌活炙甘草蒼朮姜黃
防風藁本枳殼桔梗柴胡服之。服後背脊痛減。
腹仍痛。與木香檳榔姜黃香附青皮酒連大瓜

萎柴胡川芎服之。腹痛稍減。膿痰甚。知其痰積。下行欲去而不能也。即以木香檳榔丸下之。連行三四次。舌上黃胎始退。腹痛全止。脉亦軟弱。改以人參當歸白芍甘草茯苓陳皮白芥子香附柴胡青皮白朮調理而安。十五

張淨字文學發熱腹疼。漢瀉口渴。嘔吐不止。時師有認寒者。有認熱者。有認傷食者。予至診之。曰。此時疫瀉也。以二陳湯倍白朮加青蒿葛根酒。苓白芍藥猪苓澤瀉滑石一劑而安。十六

張一尹近川翁始以內傷外感過服發散消導之劑致胃脘當心而痛六脉皆絀而弱此法當補而然之也。白芍藥酒炒五錢。炙甘草三錢。桂枝一錢半。香附一錢。大棗三枚。趁糖一合。煎服一帖而瘳。十七

閔文川先生。肛上生一腫毒。月餘膿潰矣。但稍動則出鮮血不止。大便結燥。胃滿飽脹。飲食不思。脉兩寸短弱。關絀尺洪滑。此氣虛血熱陷於下部。法宜補而升提也者。不然痔漏將作。可慮也。

黃耆二錢。歸身地榆槐朮枳壳各一錢。升麻秦
尤各七分。荆芥穗五分。甘草三分。服後胃高寬
惟口苦甚。前方加酒連連翹各五分而愈。十八
予古愚先生。每食後即大便。腹皮稍脹急。胸膈飽
悶。醫與參朮則痞悶愈甚。小水清而長。予脉之
左寸瀉。右寸滑。按之如黃豆大。且鼓指。關尺之
脉皆絃小。左尺脉迢迢有神氣。按脉乃積痰鬱
滯於肺。莫能出。以致大便之氣不固也。法當効
丹溪治。乃叔用吐。吐去上焦痰積。而大便自實。

矣。先用苦梗、蘿蔔子各三錢，白芷、仁橘、紅山梔、仁各一錢，川芎五分，生薑三片，蔥三根，水煎服之。取吐。服後半時許，惡心吐，出清痰，心惡之勢雖有，乃痰積膠固，猶不易出。又以蘿蔔子一合，搗漿水，加蜂蜜與半碗飲之。始吐出膠痰二椀餘。平日每小水則大便並行，吐後小水始能獨利。連行三四次，而胸膈寬舒，初亦以吐為懼。至是豁然稱快。大便五日不行，始以予言為不謬也。再以二陳湯加白朮、旋覆花、麦芽調理而全。

可矣十九

婚東齋先生夜多溲瀉瀉必三五次甚且十數次
小腹時作疼按亦疼口不渴小便長醫半年不
愈予診之左寸滑餘五一部皆濡弱此陽氣大虛
虛中有寒也治當溫補下元煎之升舉人參一
錢半黃耆白朮各二錢白芍藥酒炒三錢大附
子五分肉桂一錢杜仲補骨脂各一錢半升麻
防風各七分姜枣煎服其夜大便減半次早雖
瀉俱是白積如二三日狀小腹痛止再診之右

脉稍起連服四帖而瘳翁喜言曰把病半年藥
無虛日今收功於四劑何速哉認病真而投劑
確也敢不銘心。二十

大京兆姚晝老夫人年幾七十右手疾不能上頭
醫者皆以痛風治不效益加口渴煩躁請予診
之右手脉浮滑左平予謂此濕痰生熱熱生風
也治宜化痰清熱兼流動經絡可瘳也二陳湯
仁加歲靈仙酒芩白芩蚤秦艽四劑而病去如

脫

二十一

一僕發熱頭疼口渴腹疼小便赤大便瀉日夜不
睡者六日予診之曰據脈汗後浮數熱尚不減
乃疫症也以滑石三錢青蒿葛根白芷片苓各
一錢半炙甘草升麻各五分一帖即得睡熱減
大半頭痛全除惟小水赤頭暈脚膝無力此病
後血虛之故以四物湯加青蒿酒苓薏苡仁服
之而安。二十二

一僕病與前類而身如火爍頭痛如破大便不瀉
小水赤口渴鼻乾不得眠胸膈膨脹腹飢不能

食六脉絃而數用竹葉石膏湯加知母枳壳白芷葛根大加青蒿一帖而熱痛減半胸膈亦寬惟口渴小水短濇睡卧不安又與化瘟丹三錢并水化下渴止稍得睡頭暈脚軟喘急與四物湯加青蒿酒苓薏苡仁木瓜服之全安二十三
一僕之病亦與前相俱以服立一齋藥而大吐大瀉熱益增頭痛莫能當煩躁口渴鼻乾嘔吐小水短澁寢食廢者十四日勢甚危急詢前所服藥乃藿香正氣散加砂仁厚朴山查大耗元氣

之味。且五月火令當權之疫。當以甘寒之劑治之。何可以辛熱香竄者益其火而枯其津也。其勢危矣。此皆不知因時達變。惟習常膠故以誤人者。用急投人參白虎湯加竹茹葛根青蒿升麻一帖而熱除。再帖而頭痛止。諸症盡去。後連治數人多如此類。何也。此天行之疫。故一方見之。治多先以甘寒清解之劑。投之熱退。即以四物湯以補陰血。稍加清熱之劑。而青蒿之功居多。此固一時自得之愚。用錄之以告同志者。使

知治法當隨時俗為變而常套不可不脫也。
十四

馬鳳陽文學。五月患咳嗽。內熱。額上多汗。惡風。脉
左絃數。右滑數。予曰。據絃數為陰虛滑為有痰。
不亟調治。恐成虛怯。以白芍藥。川歸。茯苓。五味。
子。白朮。甘草。陳皮。貝母。天荅。粉。酒。苓。麥。冬。知母。
桑白皮。十帖。諸症皆瘳。七月復瘳。間日一發。寒
熱相半。寒熱亦俱。極渴甚。上身汗多。以石膏五
錢。人參。黃耆。白芍藥。麥冬。知母。各二錢。柴胡三

錢桂枝甘草陳皮貝母各一錢竹葉三十片一
帖而愈二十五

倪二南先生內人小水不禁一日二十餘起脉右
寸洪而有力左寸虛右尺沉微此心腎不交之
症也以當歸遠志丹參牡丹皮桑螵蛸人參山
茱萸益智仁黃柏知母為丸服之五日而安後
凡遇辛苦則發以此服之立効二十六

枉史嚴印老長媳少司空沈鏡老女也患腹痛有
小塊藹又然腹寒甚兩寸關皆滑數兩尺皆

沉微。此脾氣弱而飲食不消。又當秋令。濕淫之
候。不利亦瀉。宜預防。與白朮。蒼朮。茯苓。甘草。白
朮。杏仁。木香。半夏。陳皮。澤瀉。煎服。其夜果瀉一度。
次早又瀉一度。小腹仍疼。不少減。且裏急後重。
蓋其稟賦素虛。當補中。兼消兼利。白芍藥三錢。
桂心一錢。甘草。人參。茯苓。澤瀉。陳皮。白朮。各八
分。升麻。葛根。各六分。服後。脉皆軟弱。不滑。藟塊
亦消。改以人參。黃芪。白朮。白芍藥。各二錢。炙甘
草。陳皮。澤瀉。葛根。柴胡。茯苓。各一錢。調理而全。

新市陳鹿塘先生原有腸風臟毒之症。大便燥結。數日不能一行。痛苦殊甚。此胃寒腸熱之病。其脈兩寸皆數。兩關皆絃而無力。兩尺洪滑而左尤甚。診畢。渠告予曰。病數年。百醫不效。望生難矣。聞公治多奇中。冀一奇而生之。實再造之恩也。予憐其苦。而俛想久之。因思李東垣有云。大腸喜清而惡熱。脾胃喜溫而惡寒。以胃屬土。而大腸屬金也。今治腸胃相兼之疾。必寒非婁。

各二十月
藥用
法人所
知也

熱非灼灼始可。乃詳酌一方。專以腸風臍毒之
藥為君主。外以養血之劑。累之。使不傷胃氣。蓋
藥先入胃。而後傳入大腸。入胃時。累藥未化。及
入大腸。則累藥化。而君藥始見。庶幾兩不相妨。
亦假道賊虜之策也。因以_○大黃酒浸九蒸九晒
者二兩。_○槐花三兩。_○木耳二兩。_○郁李仁皂角子象
牙屑條芩各一兩。_○血餘灰升麻荆芥穗各五錢。
為末。煉蜜為丸。赤豆大。以四物湯加蒲黃各
一兩為和米湯送下。空心及下午各服二錢。服

此果然血止而大便不燥。飲食日加。鹿塘大喜。曰。古稱用藥如用兵。奇止相生。鮮有不克敵者。其公之謂乎。二十八

張道南先生內人。以飲食忤於氣。因腹痛。不飲食。五日矣。逆予診之。兩寸關然。尺滑。予曰。此上焦氣虛。下有鬱滯也。以姜黃青皮為君。山查枳榔當歸杏仁烏藥枳殼為臣。柴胡木香為佐。吳茱萸為使。服後氣稍順。然後用葱二斤。煎湯浴洗腰腹。即將熟葱擦摩腰腹。使氣通透。洗畢即安。

目少頃其夜大便通先下皆黑硬結塊後皆水
此積滯行而正氣虛也以建中湯加山查茯苓
澤瀉柴胡香附姜連調攝之而痊二十九

張道南先生尊堂老夫人以勞倦致早晨鬲上有
痰痞而惡心每食熱物目中即出泪脉右寸關
皆滑左寸短弱此心血不足而肺胃有痰也以
六子湯加麥芽白豆仁旋覆荅治之而愈三十
馬迪庵先生內人原以飲食過傷又為風寒外襲
醫以內傷外感治之後復至五更發熱唇燥胸

中衝跳不已，手足皆冷，脉兩寸俱滑數，予謂此
奇疾症也。以小陷胃湯加白芍藥、薤蒿子、前胡
酒苓二帖，大便行，下蛭虫八條，胸中即不
衝跳。但覺力怯，再診之，兩寸減半，尺脉稍起，以
二陳湯加白朮、白芍藥、酒苓調理，後四帖加當
歸而全愈。三十一

大宗伯董潯老夫，人常眩暈，手指及肢節作脹，脉
右寸軟弱，關滑，左脉絃長，直上魚際，兩尺皆弱。
此亢而不下之脉，難經所謂木行乘金之候也。

上見承
有考
以天加
印

總由未生育而肝經之血未破。內經云。肝
掉眩皆屬肝木。兼有痰火。治當養金平木。培土
化痰。以白朮半夏天麻湯。正與此對服。兩帖而
眩暈平。再與六君子湯。加天麻白姜。蠶以治其
。羶加白芍藥。以瀉肝。麥門冬。人參以補肺。金麥
。萊枳實。神麩。蒼朮。以健脾。使宿痰去而新痰不
生。少用黃柏二分。為使。引熱下行。令不再發。三

十一

張裕齋惡寒痰多作嘔胃滿不寬兩寸俱短弱關

洪大尺濇。此上焦氣虛中焦有痰。下元不實也。法當清中補下。不然後將有中風之患。二陳湯加白朮仁香附藿香以開胃氣。白芥子蘿蔔子杏仁以降痰而潤大便。兩帖諸症悉去。乃錄八味腎氣丸方與之。令自調理。三十三

大柱史嚴印臺夫人。年近六十。已孀居十年餘。以孀居而食長素。其婿張懷赤善子。語曰。外母近鼻塞大便瀉胸膈不暢。醫者下之。益甚。卒曰。王海藏有云。雜病酒積下之。早必成痞滿。所當慎。

也。用桂子診之。兩可沉弱。關絃大。兩尺亦弱。予
曰。此陽氣甚弱。脾氣大虛。不當下而誤下之。故
鼻作塞。而胸痞悶也。用蒼朮。川芎。桂枝。白芷。防
風。桔梗。以疎風而升陽氣。白芷。仁。蘿蔔子。寬胸
利聶。麥芽。以助脾氣。服後鼻不塞。而胸猶痞。復
用東垣木香化滯湯。加吳茱萸。乾姜。而安。乃囑
之曰。病雖漸愈。第陽氣虛。脾氣弱。不宜久食素
恐中氣不充。防作中。洵謹識之。謹識之。三十四

王谷泉大便作瀉。上身熱。耳中壅塞。頭眩。暈。胸膈

不寬口渴痰多咳嗽六脉俱濡弱汗大出此正

氣大虛或由尅伐太過所致當以補養為先人

參白朮白芍藥酒炒各四錢柴胡石菖蒲陳皮

各一錢炙甘草五分澤瀉茯苓各一錢兩服而

神清面寬脾健惟汗不斂眩暈未除再與人參

白朮黃耆酒炒白芍藥各二錢炙甘草五分大

附子五分桂枝三分澤瀉一錢而愈三十五

方東塾兩脇痛上壅至胸發熱飲食不進脉左手

沉而絛數乃穢氣也石手渴痰飲也關脉濡弱

脾氣不充也。據症或然怒故痛之暴耳。治當先去積熱消痰氣。然後用補瓜萸仁六錢枳殼姜連半夏各一錢半白芥子一錢牡蠣二錢炙甘草五分柴胡一錢五分二帖諸症盡去。飲食進矣。然恐其復發也。當歸龍會丸使行之。以刈其根服下。果行二帖。八三十一六。

一婦人懷妊七月內熱咳嗽胸膈飽悶以條芩二錢瓜萸仁白芍藥紫貝母桑白皮各一錢甘草三分枳殼紫蘇梗知母陳皮各七分二帖而

愈三十七

一婦人心痛唇紅。痛則大發熱。頭疼。少頃出汗。脉
大小不一。予曰。此惡痛之症。痛吐白沫。可徵也。
枳榔川椒各二錢。杏仁一錢五分。石菖蒲一錢。
烏梅七個。炮姜草豆仁。陳皮各五分。山梔仁一
錢。一進而痛減半。再進而痛全除。三十八

倪二南內人。小產後。小腹疼痛。夜分作熱。作暈。予曰。
此氣血虛而惡露未盡也。川芎一錢半。當歸三
錢。澤蘭益母草香附升參各一錢。人參七分。

芥穗五分。山查桂皮各一錢。一帖而小腹痛止。
再帖而熱暈悉除。三十九

倪少南右頰車浮腫而疼。直衝太陽。大發寒熱。兩
手寸關俱洪。大有力。此陽明經風熱。文蔚所致。
以軟石膏三錢。白芷升麻各一錢。葛根二錢。生
熟甘草一錢。薄荷山梔子牡丹皮連翹各七分。
天荅粉貫衆各一錢半。兩帖腫痛全消。四十
倪少南內人經行如崩。勢不可遏。頭暈眼蒼。脉右
寸極軟弱。左近駛。此氣虛血熱之候。由氣虛而

血不固也。仲景云：血脫益氣。特用人參、黃耆各三錢，白朮二錢，粉草五分，荊芥穗、蒲黃、側柏葉、姜炭各一錢，三帖全瘳。四十一

高仰山內人，痔血裏急後重，飲食入腹，大便即行，晝夜行五六度，五更咳嗽，喉中痰响，肌肉脫口，作渴，由服痔科涼血藥過多，致脾虛不能統血也。脈六部皆軟弱無力，以四君子湯加荊芥穗、秦艽、陳皮、炮姜三帖，而飲食進，血全止，嗽定，而睡寧，後減炮姜三帖，又四帖而愈。

不發矣。四十二

姚娘子小腹疼，飲食及藥入腹皆疼，疼來遍身無力，此由血崩而致，宜急治之。人參、黃耆各二錢，白朮一錢，茯苓、陳皮各八分，白芍藥、貫衆各一錢，姜炭、荆芥穗、蓮蓬壳煨各三分，煎服而安。四十三

張五橋先生令政，鄭都諫春霖公令姊也。痰喘不能伏枕，且咳嗽甚，則吐痰涎枕餘，乃止。以旋覆花湯為主治之。旋覆花、紫菀子各一錢，半夏一

錢五分厚朴桂皮粉草各三分茯苓陳皮桑白
皮葶藶子各八分姜三片水煎服臨卧以養正
丹二十粒白湯送下兩帖痰嗽喘各減十之七
乃去葶藶子加白芥子蘿蔔子二帖而痊四十

四

徐文學三泉先生令郎每下午發熱直至天明夜
熱更甚右脇脹痛咳嗽吊疼坐卧俱疼醫以瘧
治罔效延及二十餘日熱不能退後醫謂為虛
熱投以參朮為主

遂予診之左絃大右

滑大搏指。子曰內經云。左右者陰陽之道路。據
脉肝胆之火為痰所繫。必勉強作文。過思不決。
木火之性不得通達鬱而為痰。夜甚者肝邪實
也。初治只當通調肝氣。一劑可瘳。誤以為瘡燥
動其火。補以參朮。閉塞其氣。書云體若燔炭。汗
出而散。今汗不出。舌上之胎已沉香色。熱之極
矣。設不急治。立見凶危。乃以仲景小陷胸湯為
主。大瓜蒌一兩。黃連三錢。半夏麩二錢。前胡青
皮各一錢。水煎飲之。夜服。常歸龍會丸微下之。

諸公猶爭之曰病久而食不進精神狼狽若此寧可下乎予曰經云肝常有餘且脉亦為有餘故有餘者瀉之前時誤認為虛投補左矣豈容再誤哉服後夜半痛止熱退兩帖全安四十五

王祖泉乃眷朝飯後稍寒惡風發熱遍身疼痛汗大出不止口中熱腹中不知餓小水短六脉皆瀯以白芍藥五錢白朮二錢桂皮黃芩各一錢甘草八分二帖而汗止寒熱除減去白朮加當

費少垣乃眷姪已九月痰多喘嗽胎氣上通眼撐不起兩太陽微疼予曰此子懸症無痰火也以大紫蘊飲為主總服一帖逆即不逆胸高頓寬惟喘嗽不止與七製化痰丸而安四十七費一吾先生令政姪已四月夜不能睡小便淋痛痰嗽內熱脉右關滑左寸微弱兩手皆數與橘紅貝母片苓黃連茯苓澤瀉枳壳蘊梗前胡水煎服之其夜即能安寢次日再以四君子湯加當歸香附貝母陳皮條苓紫蘊梗前胡調理足

月而產一子。四十九

今弟媳六娘子。遍身痛。發熱。汗大出。昏昏如醉。卧不能起。兩寸脉短弱。兩手皆數。而無力。此勞倦之餘。故汗大走也。黃耆三錢。白芍四錢。粉草一錢五分。桂皮八分。當歸一錢。石斛二錢。一帖。熱除。痛汗皆止。惟倦而不能起。仍以前方加人參陳皮。兩帖而痊。四十九

八娘子。頭痛咳嗽。痰多有血。夜分發熱。喉中常作血腥。每經水行。必腹中先痛。二日。用香附。牡

丹皮滑石甘草桃仁川芎當歸柴胡白芍山梔
子茅根八帖而愈五十

姚弁山老先生內人。自上年十月左足不能履地。至十二月產後。忽好三日。復不能動。時常胸脇作痛。素多痰火。而治者率以四物湯。天麥門冬為主。間服獨參湯。服將弥年。而病如故。予診之。兩寸脉俱洪滑。而數夜分發熱。此係溫痰凝滯。補塞太重。故遷延不脫。乃以二陳湯加蒼朮黃柏。葳靈仙五加皮生地黃白芥子白芍藥當歸。

兩帖胸脇痛止熱除。再加意以仁八帖而足能
舉步矣。五十一

李坦渠老先生令子室十月發寒熱起。一日一發
咳嗽心痛腰亦痛。至次年正月十七日始間日
一發。肌肉大瘦喉疼汗出如雨。白帶如注。飲食
減少。百試而汗不止。延予為診。其脉右手軟弱
左手散亂。此汗多而脉不斂。病勢至此危之甚
矣。書云。火熱侶瘡。此病之謂歟。以黃耆三錢。白
芍一錢五分。粉草阿膠各一錢。鱉甲三錢。桂枝

五分烏梅一箇水煎服其夜汗止次早診之左
脉已歛神氣亦回前方加何首烏石斛牡蠣其
日寒熱亦不發飲食稍加駸又然有幽谷回春
之象五十二

太學周衡字先生吳江瀾溪人犬冢宰白川公之
令孫也近來咯血色紫胃中痰火素盛壅於胸
膈作痞作疼痰與瘀血挾而為熱脉左寸洪大
右寸關皆滑兩手盡數此有餘之候總管九四
錢再以滑石桃仁各三錢山查二錢枳壳梔子

貝母紅卷丹皮各一錢茅根五錢水煎服之次
日大便行三次痰積極多內帶瘀血改以山梔
子紫苑丹皮各一錢滑石三錢桃仁一錢五分
小蘗三錢茅根五錢水煎加童便一酒盃三帖
全安五十三

大叅張公分守杭嘉湖道因喪夫人衙中亡者八
口心中惶又因凌絳翁交厚而禮予為診左寸
脉短關絃右關滑兩尺亦絃據脉心血不足中
焦有痰流於下部凝於滯絡以故腰膝痠疼居

常背心作脹頭多眩暈夜睡多汗先時諸醫悉
投風劑非所宜也予以陳皮白芍藥木瓜膝
五加皮以仁黃栢酒苓甘草生地當歸葳靈仙
調理十劑諸症悉愈五十四

夫都諫鄭春寰老先生為春元時頭痛內熱八夜
尤甚汗出如流通宵不止小便短赤舌上黃胎
右脇脹疼先與桂枝白虎湯一帖解其內熱飲
去浮汗再與白芥子一錢瓜蒌仁四錢枳實姜
黃又連各八分水煎服外與當歸龍會丸一錢

五分下之。而脇痛安。五十五

大叅徐天目老夫人胸膈痞悶不思飲食咳嗽多
痰或時惡心上焦頭目俱不清利向來長素兩
寸關滑大如芫兩尺沉微痰火症也二陳湯加
酒苓薄荷前胡枳壳蒼朮香附鬱金川芎調理
而安五十六

張麗川咳嗽多痰面青潮熱肌瘦性躁而多自用
以數考不利肥又成疾又新婚之後飲食不節
脉之右關滑大餘部皆無神氣且冀門已發痰

瘰癧流膿血予曰此陽病極而下也法在不治
果不逾月而亡五十七

陳仰山先生內人小產後二月而血大下白沫如
注五更洩瀉至虛浮下午身熱口渴面色青黃
脉右手豁大近乳左濡弱據此大虛之候血海
尚有瘀血不盡以致新血不得歸源稍動氣即
下如崩蓋脾乃統血之經虛則不能約束且面
浮食少脾虛矣急宜溫補勢或可為人參白
朮各二錢姜炭粉草各五分茯苓六分香附八

分丹參炒過一錢水煎服四帖而瀉止再以人參白朮各二錢茯苓丹參黃耆蒲黃各一錢姜炭澤蘭葉粉草各五分調理全愈五十八

張溪亭乃春喉中梗梗有肉如炙嚮吞之不下吐之不出鼻塞頭運耳常啾不安汗出如雨心驚胆怯不敢出門稍見風即遍身疼小腹時疼小水淋澁而疼脉兩寸皆短兩關滑大右關尤搏指此梅核氣症也以半夏四錢厚朴一錢紫蘆葉一錢伍分茯苓一錢三分姜三片水煎食

後服。每用此湯調理多效。五十九

浮亭子室姪已七月。胎見亡過。祖母揮拳背打一
下。驚醒即覺胎動不安。血已下。大小便皆急。腰
與小腹脹疼者五日。此亦事之奇也。遂予為治。
兩寸脉俱短弱。此上焦元氣大虛。當驟補之。人
參阿膠黃耆白朮各二錢。當歸白芍條芩杜仲
各一錢。砂仁香附各五分。苧根嫩皮三錢。葱白
六錢。一劑而血止。兩劑諸症悉除。而神漸安。四
帖後。減去苧根葱白。調理旬日。足月而產一女。

陳茂之勞倦之後，勉強色慾，精竭而血繼至，續感風寒，發熱頭痛，胸膈飽悶，始從太陽而傳至少陽，胸脇痞，而耳聾，嘔逆口苦咳嗽，六脉俱絃數，此少陽症也。以小柴胡湯加枳壳、桔梗、竹茹而嘔逆止，熱退，因進粥，早復熱口渴，小水不利，大便一日夜六七次，所行皆清水，日晡熱甚，舌上黃胎昏沉，振顛，此食復之候。書云：渴而小便不利者，當先利其小便，以猪苓湯為主。猪苓、澤瀉

各二錢滑石三錢赤茯苓一錢柴胡八分升麻
木通各五分連進二帖小便利而大便實但熱
不退以六神通解散一帖其夜熱仍不退次早
診之左脉不絃數矣兩寸脉虛以故服藥無汗
口渴漱水而不欲嚥咽熱此邪傳陽明經不急
涼血必作鼻衄病勢至此可謂極惡矣投黃芩
芍藥湯合生脉散以止嗽渴用葛根湯以解肌
熱白芍藥三錢葛根升麻黃芩各一錢人參一
錢五分麥冬滑石各三錢甘草五味子各五分

烏梅一枚急煎二帖飲之。日中大便下燥糞十數枚。始得微汗。就得睡矣。晚進粥一盃。夜卧向安。六十一

陳五山胃脘疼。醫作勞倦治不效。又醫作寒氣治。而用剛燥痛轉極。又醫以巴豆丸下之。大瀉皆水。亦無積滯之物。痛雖稍減。然面有虛浮。胸痞足腫。又張醫以人參白朮各二錢。大補脾胃。則痰嗽氣逆。上膈熱甚。喉嚨乾燥。右脇不能貼席。大便一日二三行。因向被惡豆丸瀉起。迨今七

日猶瀉不止。飲食大減。延予為治。診兩寸濡弱。兩關滑。兩尺洪大。予曰。據症原起於鬱。大氣投湯劑。大推大搬。以致加重。若平平治之。自當尋愈。二陳湯加葶連。枳實。姜黃。枳梗。蘿蔔子。前胡。一帖而熱嗽除。右脇亦可貼席。再劑而飲食進。大便寬。其晚又為怒氣所加。痰嗽脇痛如舊。且多煩躁。改用橘紅。貝母。瓜萋。茯苓。山梔子。前胡。青皮。甘草。桑白皮。蘿蔔子。水煎飲之。而平。六十

二

吳小峯年五十。未有子。素有酒積作疼。晌午即瀉。
所下多稠粘之物。腹痛之疾。年已久矣。治當清
潔中焦。分濕熱。兼養脾。法用白滑石三兩。粉草
肉蓯各五錢。白芍藥酒炒一兩五錢。木香三錢。
紅麴四錢。神麴糊為丸。每早晚白湯送下二錢。
服未竟而疾除。始舉一子。六十三。

沈大叅玉陽老先生。中焦有食積。痰飲而作痞滯。
以故大便了而不了。間或作脹。予脈之。兩寸短
弱。關滑。兩尺沉滑有力。予曰。脾胃虛弱。痰滯。

而為熱。但清其中宮。使清陽升。濁陰降。而氣血自旺。此不補之補也。以二陳湯加枳實酒連酒。芩滑石姜黃木香乾葛山查兩劑而愈。六十四王敬泉。頭暈且痛。起則倒仆。胸膈脹悶如繩束縛。嘔吐而食飲皆不得入。六脉俱瀉。此痰飲挾木火之勢。而作暈也。先以濟生竹茹湯而吐不止。且煩躁。發飢發熱。再與蘆根湯連進二椀。氣餒稍定。再以吳茱萸一兩為末。以鷄子清調塗兩足心。引火下行。外用二陳湯加姜汁炒黃芩黃

連旋覆卷批杷葉丁香白芷仁旗柳柴胡水煎服之服後熱退大便亦行頭暈嘔吐皆止惟胃脘有一塊作疼仍與前藥兩劑而塊亦消六十五

張二官發熱頭痛口渴大便秘結三日未行脉洪大此陽明少陽二經之症用大柴胡湯行三五次所下者皆黑糞夜出臭汗次日清爽惟額上仍熱用白虎湯加葛根天荅粉因食粥太早復發熱咳嗽口渴殊甚且惡心用小柴胡加枳實

山梔子麥芽。次日渴不可當。改以白虎湯加麥
門冬天荅粉。外與辰砂益元散。以井水調下。五
錢熱始退。渴始定。不虞夜睡。失蓋。復受寒邪。天
明又大發熱。不知人事。急用小柴胡湯加升麻
葛根前胡薄荷。進之。而汗出熱退。神思大瘳。四
肢皆冷。語言懶倦。且咳嗽。以生脉散加石斛百
合大棗白芍藥。服後咳嗽尋止。精神日加。飲食
進而向安矣。六十六

大司馬潘印川第三令子室。尚書蔣公孫女也。年

二十五體素弱。語言端謹。因難產傷力。繼以生女。拂意後。又女死。悲戚即時暈厥。醒而神思昧。手足瘳癢。目作上視。予更後始至。因瘳癢不能診脈。細詢之。自女落地。惡露絕無比。有女醫在旁。乃昔所親信者。時與人參大嚼。及獨參湯并粥亂進。參與粥皆壅塞。高上不下。以故神昏瘳癢不已也。予教以手於喉中探而吐之。喜其隨手吐出。痰飲粥藥盈盆。瘳癢方定。乃與川芎山查。澤蘭。葉陳皮。半夏。茯苓。煎連之。稍得睡。

予亦出中堂就寢不虞女醫又私與補藥二
子丑時陡然狂亂如降神之狀口中訖語云我
是觀音大士降壇所言皆儒釋官話問答如流
聲甚壯厲殊無產後不足之態生平不諳漢聲
至是出語如生成者人皆異之目為神附禳禱
百般予獨諍之語諸左右曰此惡露不盡乃蓄
血如見鬼之症非真有神佛相附也徐以正言
叱之即緘默繼以清魂散加滑石童便與之至
天明小水乃行狂亂皆定迨予出房少頃詎知

女醫意欲要功。又不知與何藥服之。少刻狂亂如前。再與川芎一錢五分。當歸四錢。澤蘭葉益母草各一錢。臨服加童便連飲二帖。不効。予逆思之。胸中必有餘痰作滯。前劑中無佐使之品。故藥力不行也。即用前劑大加山查與之。惡露稍行。神思即靜。嗣後稍睡少時。手足微動。或自以手掌其面。或自以手搥其胸。昏亂不息。診其脈近虛。早間面紅而光。申酉時面色白。此血行火退。故脈虛而當補矣。與人參川芎澤蘭葉各

一錢當歸山查各二錢茯苓陳皮各八分捲荷葉一片煎熟調琥珀末子五分服下半時許噉氣二聲予喜曰此清陽升而濁陰降矣自茲安靜夜中惡露微行大便亦利乃索粥飲問其昨日漢聲何來荅曰不知也諸君始信蓄血如見鬼之言為不誣昔秦越人有言曰病有六不治信巫不信醫一不治也古稱用藥如用兵以躬子儀之英明而以魚朝恩監之便不成功予固非郭令公之儔彼女醫之誤則又有過於魚朝

恩矣。愼寧不慎哉。六十七

孝廉臧茗泉老先生。脉左絃數。右寸弱。關大。重則滑。右尺微。原以瘧後復傷。飲食大便秘瀉而變痢。一日夜雖只五、六行。皆積滯無異。腹疼後重難安。午未後發熱。至天明始退。此夏傷於暑。而秋為瘧癘也。其熱仍瘧之餘邪。當先解散。然後以補劑投之。則大便自愈矣。與神授香連丸一服。服訖。腹中腸鳴。須臾大便秘行。且較前更多。方有糞下。改以白芍藥四錢。澤瀉黃連各一錢。滑石

二錢粉草桂皮木香各四分。山楂七分。兩日後
乃與補中益氣湯加木香黃連白芍藥調理半
月。潮熱大便皆愈。六十八

邑繼可先生令眷。孕三月而癘疾發。先寒後熱。胸
膈大脹疼。口渴。湯水入即吐。謔語無汗。胎氣上
衝。而成子懸。脉皆絃大。以川芎柴胡黃芩知母
甘草橘紅紫蘊枳壳砂仁。水煎服之。吐止痛除。
六十九

一張氏婦。年纔二十一。其夫延予診之。左寸關短

弱尺滑。右寸亦滑。關濡弱。尺沉微。診畢問予曰。脉何如。予曰。心神脾志皆大不足。肺經有痰。夫曰。不然。乃有身也。予曰。左寸短弱如此。安得有孕。夫曰。已七十日矣。予俛思久之。問渠曰。曾經孕育否。夫曰。已經二次。今乃三也。予問二產皆足月否。男耶。女也。夫曰。實不敢諱。始產僅九個月。手足面目完全。而水火不分。變肉一片。生下亦無啼聲。抱起已身冷矣。細檢之。乃知其無水火也。次亦九個月。產下又無啼聲。看時口中無

舌。二胎之異。不知何故。聞先生能細心察人病。特祈審之。予方悟前二胎之不完者。由心脾二經不足所致也。今左寸右關之脈可見矣。迺為籌思一方。專以補心血為主。令其多服。以百錢為率。酸棗仁。遠志。茯神。各一錢。白朮二錢。白芍藥當歸。枸杞子。各一錢。五錢。甘草五分。生地黃八分。艾絮二分。龍眼肉五枚。水煎服。足月而產一子。次年又有身。不以前事為意。至九個月。產下形體俱具。外有脂膜一片。包其面耳。目口鼻。

皆見但不能去此脂膜。產下即殘。因思上年之
子為藥之力也。因子久不至。其家以子方粘
於壁間。一覺有身。即照方服之。後生二子一女。
里中以此方為補天手云。六十九

癸巳仲夏。吳比部鳳麓父母。以次君絃臺先生眼
目紅痛。恐學道按臨。速於取效。乃聽眼科醫寒
涼而治。兩越月無驗。又眼科視之曰。目疾不宜
多用寒涼。恐冰其血。以人參五錢。枸杞子一兩。
悉溫補之劑。凡用人參枸杞子五六斤矣。目腫

如堯絕不能開。又專科語之曰：紅腫而痛，明是熱症。誤服溫補，反助其熱，寧不益腫。顧其勢即百寒涼亦不易瘳。捷徑無如用下。此釜底抽薪法也。絃臺惟求速效，一聽下之，用大黃、芒硝、枳殼作大劑下五六次，而飲食日減，惡心畏風，則不能出房門矣。又專門謂前劑欠當，大瀉之後，正合補也。又聽補之一補而目腫如舊。又有眼師云：目疾熱症多，寒症少，只當滋補腎水。水升則火自降，火降而目疾斯愈矣。用是以滋陰降

火之劑為恃。終數服而精滑不禁。一夜夢遺一
二次。神氣大脫。投補則目腫痛。用降則精元滑
脫。屢試屢如是。諸醫無策。悉謝而退。乃修書命
使自淮陰之海陽。懇祝令君紹介。徵予為治。予
始以遠為懼。祝再四為渠言。予亦素為渠重。義
不得以遠為辭。乃介行李嚮往。至即診之。左寸
脉甚短。右寸大而無力。左關絃弱。右滑兩尺亦
滑。予見其坐在幔中。畧不敢見風。問其日食幾
何。荅曰。三次。計二椀許。葷醒絕不能用。予曰。夜

卧安否。荅曰。迺來甚苦於睡。纒合目即夢魘。可
畏。或被虎蛇交咬。或有鬼來勾攝。或落橋墜井。
或與人爭鬪而負。猛然驚悟。冷汗淋漓。四肢癱
軟。不能動轉。少頃乃定。今幸公不遠千里而臨
足。徵素雅。予曰。足下始無大恙。只緣大推大搬。
以致狼狽。若是彼專科者。不足恃也。經謂五臟
精華。皆上注於目。今專科局局然守其死法。安
知五臟盈虛。陰陽消長。隨時出入哉。以愚管見。
但平平治之。易與耳。據足下之脉。心神脾志虛。

相不足。肝脾之火。鬱而不散。致生目痺。今為補
養心脾。壯其神志。則飲食日加。寢卧安穩。而精
元有守。神水盈溢。何目痺之不愈哉。絃臺曰。善
惟先生命劑。乃以歸脾湯。減去黃耆。木香。加丹
參。而補心脾。以大安丸。專助脾胃。而磨穀食。俾
新痰不生。則氣血可繼。日而旺矣。後五日。而飲
食加。十日。而夢魘少。尋能出戶。不畏風日。半月
而肌肉生。目可覩。變津津然。而有萬全之兆。不
虞專門張氏子復至。以白眼藥。日頻點之。一日

凡七八次。從此復不能開。臉肉風粟生滿。適予
有南都之往。卒為所誤。後幸有李少塘。打去風
粟。眼始能開。李雖手法精熟。然於軒岐間奧。尚
亦未窺藩籬。予後自南都至。見左目雖愈。右目
終成內障。予故曰。彼專科者。不足恃也。豈虛語
哉。七十

丘太守鎮山翁令姪。淮陰人也。丁年患。兩手筋攣。
指掉不能屈伸。臂肉瘦削。體瘠面白。寢食大減。
市中諸友。調治無驗。乃任京口諸名家療之。半

年肉更消色更瘁聞予在吳比部衙中。敦予為
治診其脉六部俱絃重按稍駛診竟扣其受病
之源太守公曰自上年冬疫偶發寒熱筋骨疼
痛逾於仲春寒熱雖退而筋骨之疼不減服藥
無虛日甚之日三四進肉漸消去指掉不隨似
有加於徃昔醫之來者一曰風二曰風三四五
六皆曰風即十數輩又莫不皆曰風者竭技盡
方卒無一應奄奄床第絕不知為何病予對公
曰此筋痿症也乃少年不謹然而受風濕邪氣

予嘗聞之。醫者不察天時。不分六經。禁而汗之。付景治風濕之法。但使微汗津津。則風濕盡去。若汗大出。則風去而濕存。由是血氣俱虛。經云。陽氣者。精則養神。柔則養筋。虛則筋無所養。漸成痿弱。乃不足之疾。故陳無擇朱丹溪劉宗厚皆謂譫痿。不可作風治。誤則成痼疾。公聞言愕然曰。服風藥幾二百劑矣。顧今已痼。柰之何。予對曰。令姪青年。猶可圖也。公曰。用何法。予曰。法當大補氣血。經云。氣主煦之。血主濡之。氣血

旺則筋柔而軟。由是乃可以束骨而利機關也。抑何掉之有哉。病者聞言大喜曰。聆先生詳病之源。治法之畧。雖未服藥。已覺沉疴去體矣。即請劑。予以五加皮。蒼以仁。紅苓。人參。鹿角膠。龜板。虎骨。當歸。丹參。地黃。骨碎補。蒼耳子之類。服兩月。肌肉漸生。飲食大進。兩手指掉亦平復。七

十一

書辨。年過五十。糟酒縱慾。無憚。忽患下消之症。一日夜小便二十餘度。清白而長。味且甜。少頃

疑結如脂。色有油光。治半年不驗。腰膝已下皆
軟弱。載身不起。飲食減半。神色大瘁。脈之六部
大而無力。書云。脈至而從。按之不鼓。諸陽皆然。
法當溫補下焦。以熟地黃六兩。為君。鹿角霜山
茱萸各四兩。桑螵蛸。鹿角膠。人參。白茯苓。枸杞
子。遠志。鬼絲子。懷山藥。各三兩。為臣。益智仁一
兩。為佐。大附子。桂心。各七錢。為使。煉蜜為丸。梧
桐子大。每早晚淡鹽湯送下七八十九。不終劑
而愈。或曰。凡云消者。皆熱症也。始公具方。人多

議之。今果以溫補成功。此何故哉。予曰。病由下元不足。無氣升騰於上。故渴而多飲。以飲多小便亦多也。今大補下元。使陽氣充盛。薰蒸於上。口自不乾。譬之釜蓋。釜雖有水。若底下無火。則水炁不得上升。釜蓋乾而不潤。必釜底有火。則釜中水氣升騰。薰蒸於上。蓋總濕潤不乾也。予已詳著醫旨緒餘中。茲不多贅。七十二

魚憲韓約。余老先生令子室。每怒動則夜卧不安。如見鬼魅。小水淋瀝。今又大便秘結。腹中疼痛。

腰跨脹墜如生產狀坐卧不安因痛而脉多不
應指此肝經鬱火所致法當通利以杏仁菴仁
各三錢柏樹根皮山槵仁青皮各一錢枳榔五
分枳壳八分水煎服之必頃大便通痛脹隨減
七十三

魚憲韓約全老先生夫人向來夜分臍腹疼極其
必用炒鹽熨之兩時久乃止次日必頭痛兩太
陽如箍遍身亦疼此上盛下虛症也先用柴胡
川芎粉草酒連薄荷天麻橘紅茯苓半夏蔓荊

子水煎服數帖頭痛全止惟咳嗽胸前畧痛兩寸脉浮滑兩尺弱再用鹿角霜鹿角膠補骨髓遠志枸杞子金鈴子香附子煉蜜為丸梧桐子大每空心及下午食前淡鹽湯送下七八十九而瘳七十四

孝廉丁震瀾夫令郎纔二歲瘡母上壅咳嗽每午後發熱至子丑時乃退終日啼哭不止鵞口白屑神氣大弱瘡後過月瘡未愈多方治之不效有灸之者有刺之者

施之。全然不應。予曰：乳下嬰孩，臟腑薄脆，不可亂攻。亂補參耆，足以增其嗽矣。刺適以驚其神，安能取效？予教以白朮、驚甲各一錢五分，青蒿、麩芽、陳皮各八分，烏梅一枚。見母知母各六分。甘草三分。八帖全愈。七十五。

武進令君孫康，字公子室，臧位，字丈夫，女也。年十六，初產女，艱苦二日，偶感風邪，繼食麵餅，時師不察，竟以參朮投之。即大熱，謔語，口渴，汗出如洗，氣喘洩瀉，瀉皆黃水，無糞。一日夜不計遍數，小

水短少、飲食不進、症甚危惡、時當六月初旬、女科見熱不除、乃投黃芩芍藥黃連寒涼之劑、諸症更甚、又以參朮大劑、肉果乾姜等止瀉、一日計用人參二兩四錢、瀉益頻熱益劇、喘汗轉加、譫語不徹、口醫各縛手、辭謝曰、書云、汗出如油、喘而不休、死症也、又汗出而熱不退、瀉而熱不止、且譫語神昏、產後而脈洪大、法皆犯逆、無生路矣、惟附子理中湯、庶微倖於萬一、適予為顯太守、肖溪公延至、即過為一診、六脈亂而無緒、

七八至。獨右關堅硬。踴久之。因思暑月汗出。乃常事。但風邪麩食。瘀血皆未消。熔補劑太驟。書云。蓄血如見鬼。治當消瘀血。麩食解其暑氣。猶可圖生。勿遽棄也。有減玉字者。位字堂兄也。醫有雅致。深以予言為然。而速予措劑。予曰。劑憑症發難拘常套。不常之症。須用不常之藥。乃用益元散六錢。解暑氣。清熱為君。仲景云。渴而小便不利者。當先利其小便。况水瀉。尤當用之。為君也。以糖毬子三錢為臣。紅麩。澤蘭葉各一。

錢五分。消瘀血。安魂為佐。香附一錢五分為禪。
佐。橘紅半夏。麩茯苓。乃統理脾氣為使。京三稜
五分。消前參朮。決其壅滯為先鋒。水煎飲之。飲
下即稍睡。譫語竟止。連進二劑。其晚大便減半。
次日仍用前劑飲之。其夜熱大減。大便只二次。
有黃糞矣。惡露畧行。黑血數枚。又次日診之。脉
始有緒。神亦收斂。進粥一盞。大有生意。前方減
去京三稜。紅麩加白扁豆。其夜大便一次。所下
皆黑糞。從此熱盡退。大便亦實。改用四君子湯。

加益元散青蒿香附白扁豆酒炒白芍藥炮姜

調理而平七十六

吳東星上舍辰州太守公長君也。冒暑赴南都試落第歸而怏怏因成瘡。自八月中旬延至十月瘡雖止而腰痛白濁日夜咳嗽肌肉大消藥劑亂投。認為風者以羌活防風續斷等發散。認為虛者以六味地黄丸為補。認為火者以芩連梔子黃柏知母天荅粉生地黃瀉其火。認為半虛半實者投以獨活寄生湯。認為寒者以大附子

肉桂鹿角膠參朮溫補之。痛劇欲死。叫撼四鄰。
予脉之。左絃細。右滑大。俱六至。口渴眼赤。予知
其昔患楊梅瘡。餘毒尚伏經絡。適因瘡後氣血
不足。舊毒感動。故痛而暴也。以當歸芍藥甘草
牛膝鈎藤。以仁木通白鮮皮。用土茯苓。下。煎
湯代水煎。前藥服下而痛止。咳嗽亦除。脉緩其
半。連服數劑。大効。精神漸復。乃起而督工視事。
冬至日。為酒興鼓舞。縱慾無忌。次日腰如束縛。
足面亦疼。左眼赤。小水短。足底有火。從兩膝直

冲其上。痛不可言。予以當歸、鈎藤、甘草、白芍、雞
牛膝、以仁石斛、紅朮、生地、黃柏、調理三日。症已
守定畧無進退。適大雪寒凍殊甚。有女醫為渠
宅所親信者。因其大便燥結。一日夜服玄明粉
一兩五錢。大便且不行。而腰痛愈猛。兩足攣縮。
氣息奄奄。一語而三換氣。面青慘。渠自覺危急。
廼喚內人及弟叔。囑其後事。天明予至。診之。六
脉俱伏。痛使然也。扣其由。乃知服玄明粉所致。
予曰。症雖熱。便雖燥。但公病不在腸胃。而在經

絡筋骨間徒瀉腸胃無益也。且冬月陽氣閉藏，誤瀉則陽氣虧乏，來春無發生根本矣。今四肢拘縮，腰膝痛劇者，由日來天令寒極，經絡凝澁也。寒主收斂，法當溫散寒邪之標，使痛定然後復治其本。庶可保全。乃用桂心、杜仲、炙甘草、蒼朮、破故紙、五加皮，連與二劑，痛定而四肢柔和，飲食始進。予知渠宅素喜速效，予適有荆溪之往，廼宣言曰：「凡下之疾在經絡，顧今天令嚴寒，幸寧耐以俟春和，為凡下拔去病根。」渠宅不以

予言為然。廼用張雲溪調理。予亦讚張之可家。
蓋張氏藥用養血清熱。雖不去病。亦不害事。迨
二月。太守公歸。廼改用沈春宇沈揣渠。必以酒
色而致陰虛。廼純用滋陰降火之劑。以為旬日
可奏功也。及調治月餘。畧無影响。予從荆溪歸
而謁渠。為三月初旬也。渠聞予至。即以沈藥呈
予。月語予公許春和。拔除病根。此其時也。予知
太守公方篤信沈。隨以溫語慰渠。曰。沈公名士
也。可使彼展盡底蘊。沈又調理半月。以無功而

行。沈去。予再以煨腎散進。大瀉五六度。四肢冰冷。舉家大恐。以予瀉之為非也。予曰。病從此日減矣。夫奚憂。後進理脾藥。服數帖。神氣始轉。腰膝柔和。可下床。舉數步矣。方始信。而問予曰。人皆以補為治。公何得病源之真。於三月之前。先已預定。節節如公語也。予曰。此楊梅瘡餘毒。伏於經絡。豈補劑所能去哉。予故先為疎通濕熱。然後以補劑收功。則無反覆之虞。後仍以葳靈酒。送末子二錢。入猪腰子內。以酒煮之。又瀉一二

度病根盡拔。改用以仁、當歸、生熟地黃、白芍藥、牛膝、黃柏、丹參、龜板、調理全安。七十七

潘見所老先生有一小盛价。年可十六七。發熱於午後。城中周友以為陰虛。而為滋陰降火。服三十餘劑。熱益加。且腹中漸脹。面色清白。仍以六味地黃丸加黃柏、知母、麥冬、五味子之類。又三十劑。而腹大如斗。堅如石。飲食大減。髮黃成穗。額顛光亮。口渴不可言。兩腿大肉消盡。眼大。面肉皆消。肌膚枯燥。如松樹皮。奄奄一骷髏耳。予

觀其目之神尚五分存欲為治劑潘公問下諸
人語予曰形症如是死在目下尚可服藥予
曰症非死候為用藥者誤耳譬之樹木若根本
壞而枝葉枯焦非力可生今焦枯乃斧斤傷其
枝葉而根本仍在也設灌溉有方猶可異生安
可遽棄予以神授丹日用一丸煮猪肉四兩飼
之十日腹軟其半然亦消其半神色漸好潘見
老詰予曰此何症公能肉枯骨如此之神予曰
此癯積症也彼誤認為腎虛而用補陰之藥是

滯益滯。腹爲得不大不堅。公曰。彼純用寒而
熱愈熾。君用非寒而熱反退。此何說焉。予曰。此
熱。迺濕熱。由脾虛所致。補陰之劑。皆濕類。蓋脾
屬土。惡濕。喜燥。今以大薑會丸肥兒丸調理一
月。可全瘳矣。公曰。善。微先生。此僕已爲泉下物
矣。七十八

少司空凌絳泉翁。年已古稀。原有痰火之疾。因正
月上旬。爲令孫大婚。過勞。偶占風寒。內熱咳嗽。
痰中有血。血多而痰少。痰堅不易出。鼻流清水。

舌生芒刺。色焦黃。語言強硬不清。大小便不利。喘急不能睡。亦不能仰。惟坐高椅。椅前安棹。棹上安枕。日惟額伏枕上而已。市醫環治半月不瘳。敦予診之。兩手脈浮而洪。兩關滑大。有力。知其內有積熱痰火。為風邪所悶。且為怒氣所加。故血上逆。議者以高年見紅。脈大發熱。為懼。予曰。此有餘症。諸公認為陰虛。而為滋陰降火。故不瘳。法當先驅中焦痰火。積熱。然後以地黃補血等劑收功。斯不失先後着也。翁以予言為然。

用瓜蒌石膏各三錢。橘紅半。夏麴。桑白皮。前胡。杏仁。酒苓。紫蘄子。水煎。臨服加入蘿蔔汁一小酒盞。一劑而血止。次日胗之。脉仍浮而洪大。尚惡寒。予曰。古云。傷風必惡風。傷寒必惡寒。此其常也。只因先時失於清散。表中之熱未徹。竟用滋陰之劑。又加重便收斂。降下太速。以致風寒鬱而不散。故熱愈甚也。改以定喘湯。一劑而喘急減半。再劑熱退而不惡寒。復為胗之。兩手浮體已無。惟兩關之脉甚。鼓指。此中焦痰積膠固。

已。父不可不因其時而疎導之。以清中丸全當歸龍會丸共二錢進之。其夜大便所下稠粘穢積甚多。予憶朱丹溪有云。凡哮喘火盛者。以白虎湯加黃連枳實有功。此法正絳翁對腔劑也。與十劑外以清中丸全雙玉丸夜服調理而安。

七十九

周鳳亭公年五十有八。正月腸風下血。又飲食過傷。大吐。而朱友以枸杞地黃膏一斤進之。不知此公肝氣素盛。中焦原蓄痰積。且多思傷脾。又

位卯木正旺之月。投以地黃枸杞。適以滋其濕。而益滯其痰耳。由是飲食減少。肌肉消。腹中痞滯。又吳友以歸脾湯進之。詎知濕熱未除。先用溫補。是以油撲火勢成燎原。以致大便燥結。口乾舌燥。據巳午未三時。中焦蒸蒸發熱。煩悶。酉時而退。此皆溫熱壅滯於脾。無疑矣。且面色黃中帶黑。下午足面有浮氣。皆是濕熱傷脾之徵。法宜清肅中焦。微去濕熱。則飲食自加。而新痰不生。宿痰磨去。庶五穀精華。不生痰而生血。

矣。血充則精神長，而肌肉可復。且秋來無瘡痢之患。公曰：清肅中焦，當用何劑？予曰：二陳湯加薏以仁，酒炒白芍藥、麥芽，以養脾而消痰，以枳實、黃連、洩痞而去熱，以青蒿分利陰陽而消其黃。葛根升引清陽之氣，使肌熱清而口渴可止矣。當服十劑。公曰：先生之方善，但枳實、黃連恐體虛者不足以當之。予曰：惟此二味，適可以去公之病根。舍是則不效。案中焦有餘之疾，非此不能去，亦非它藥所能。公曰：服何藥？予曰：服二劑。

而諸疾皆愈。公遽中止，不復服。完至七月，盡果發痢疾。而以木香檳榔丸下去，稠積甚多。廼追悔予言而延之診。予教以前方，仍服十劑。夜以丹溪保和丸調理，則永無瘡痢之患矣。八十

令卽采石先生中焦濕熱生痰否悶五更倒飽且下午兩服。或膝下筋脉抽掣疼痛時常噉氣面色帶黃間常憂遺。予以清氣大安化痰丸及猪肚丸二方調治而安。猪肚丸用白朮五兩苦參酒炒二兩杜蠟煨過三兩為末。將雄猪肚子一

具摘去油。甘草湯洗過。將藥裝入肚中。縫其口。
飯中蒸極爛。為度。搗極勻。為丸。此方極健脾。去
濕熱。固精丸也。清氣大安化痰丸。用白朮四兩。
橘紅半。夏山查各三兩。黃芩黃連俱生。姜汁炒。
各一兩五錢。枳實瓜萋仁各二兩。白芥子蘿蔔
子各炒一兩。姜黃礞水煎乾一兩。青黛五錢。麥
芽取麴打糊為丸。菜豆大。每食後及夜茶送下。
二錢。八十一

令孫女纔六歲。忽發寒熱。一日過後。腰脊中命門

穴間骨節腫一塊如大鰻頭之狀高三四寸。自
此不能平身而立。絕不能下地走動。如此者半
年。人皆以為龜背癩疾。莫能措一法。即如幼科
治龜背古方治之亦不効。予曰。此非龜背。蓋龜
背在上。今在下部。必初年乳母放在地上坐。早
之過。比時筋骨未堅。坐久而背曲。因受風邪。初
不覺其漸入骨節間。而生痰涎。致令骨節脹滿
而大。不急治之。必成癩疾。今起未久。可用萬靈
黑虎比天膏貼之。外再以晚蚕沙醋洗炒熱絹

片包定於膏上帶熱熨之。一夜熨一次。再以葳
靈僊為君。五加皮烏藥紅苓防風獨活。水煎服
之。一月而消其半。骨節柔軟。不復腫硬。便能下
地行走如初矣。人皆以為神奇。此後三箇月。蒼
不能行。問之足膝痠軟。載身不起。故不能行。予
知其病去而下元虛也。用杜仲晚蚕沙五加皮
蒼以仁當歸人參牛膝獨活蒼耳子僊茅水煎
服二十劑。行動如故。八十二

內文學屢樓患虛損咳嗽。晝夜不安。予文丁氏。長

富翁女也。軀甚肥。性甚躁。患痛風。手不能沐。襟足不能履地。凡痛處畧腫。呻唵喊叫。比有朱遠。全氏為時推重。夫婦倚朱治者七越月。纖毫不減。吳九宜翁廼舉予治。至其家。岳樓大兄岳樓。旦暮與偕。胗畢。語岳樓曰。令弟之症。雖易見功。然非百日不能斷根。丁氏症。十日便可刈其根。但恐不能盡吾劑。柰何。岳樓曰。何謂也。予曰。令弟咳嗽。由肺火未清。誤服參朮太過。而然。但為清肺利肺。咳可立止。止後以補心安神之劑。

養之則萬全矣。藥用麥門冬、桑白皮、白藥子、貝母、桔梗、甘草、黃芩、枳殼十帖。咳嗽全止。惟心血不足，神不固精，以酸棗仁、遠志、麥冬、蓮蓉、心丹參調養百日。果能出戶。肄業丁症，屢濕痰凝滯，經絡作痛。朱公作血虛而投以地黃芍藥當歸人參牛膝之類，宜其痛愈加而病愈久也。今必須燥濕流動之劑。踈決一番。庶經絡通暢。雖不服補劑。而五穀精華足以自克。但踈決之劑不能止痛。恐其不予信而中止也。岳樓曰：先生既

已言明。惟命是聽。用二陳湯加烏藥、葉蒼朮、僵蠶、海桐皮、南星。服至五帖。果不憚而欲止藥。兵樓曰。孫君已先言十帖見功。今過半。何不勉強。而使功虧一篑哉。又服一帖而止。百般強之不從。廼揚言曰。請醫療痛。而反加痛。吾何藥為。後四劑斷斷乎不敢奉命矣。時已申刻。予知其富家嬌態。亦不強服。隨以羌茶醋炒過三分。海金沙一分為末。白湯調下。至晚瀉一次。下稠痰半盆。足痛減大半。稍能動止。初更後。吾輩酒猶未

散忽報云。腹中大痛。促予進看。行至後堂內。中
人出而止曰。病者卒矣。不勞進看。予曰。此必痛
厥。非長逝也。烏可不進一看。至即冷。汗淋漓。死
坐溺器。面青息斷。執而診之。手冷如冰。但六脉
俱在。惟沉伏耳。知其為痛極使然。用生姜湯灌
之。而甦。徐語近侍女使曰。適來腹中痛甚耳。後
火光濺出。肛門如焚。大响一聲。不知瀉下何物。
衆看之。廼血。鱖一條。長六寸。闊半寸。鱗已俱
在。盆中尚能遊動。

可好否。予應之曰。此充物也。得下豈不好。但丁
症實由痰作。予特為行痰。初不知其有虫。如是
第藥中有芫花。廼殺虫之物。故偶中。亦令弟之
福也。次日手足皆能動。仍以二陳湯加以仁紅
苓五加皮四帖。脫然如故。閱宅以予不矜功而
益重予。八十四

金寄間令堂暑月患痢。小腹窘迫。胸膈膨脹。口舌
焦渴。右寸關脉洪滑。左脉絃。廼氣鬱食積漸也。
先與木香檳榔丸開而下之。微利一二度。因口

渴食西瓜一片。即惡心而吐。昨日大便利後。胸膈寬快。就進飯一椀。致腹飽悶。兀兀欲吐。所吐皆痰涎。迺以溫膽湯加減治之。半夏四錢。枳實一錢五分。竹茹二錢。橘紅茯苓各一錢。甘草五分。姜連八分。生姜五片。水煎服之。一飲而胸膈舒暢。便能就枕而睡。惡心頓無。痢亦尋止。八十

五

中宇之婦。汗出如雨。昏昏憤憤。兩手無所着落。婦要人足端之。故即昏憤益甚。氣促

不能以息稍近風則嘔惡暈厥與九龍鎮心丹
一丸服下即稍定必間則又發始知胸喉中有
物作梗而痛湯水難入即藥僅能吞一口多則
弗能嚥下迺以蘓合香丸與之暈厥尋止心痛
始萌昨日六脉俱伏今早六部俱見惟左寸短
濇知其痛為瘀血也用玄胡索桃仁丹皮丹參
青皮當歸香附其夜仍暈厥一次由其痛極而
然再與玄胡丹皮桃仁丹參香附青皮烏梅人
參貝母桂枝赤芍藥服此痛減大半迺自云心

虛有熱頭眩。加山梔仁。居常多夢交之症。近更甚。以其心虛故也。人參石斛丹參貝母當歸白芍藥酸棗仁酒連香附調理全安。八十六

金文學達泉先生令政。暑月患痢赤白。一日夜三十餘度。後重腿急。口渴。小腹痛。孕已二月。幸而腰不痛。右手脉絃。左脉滑。與白芍藥三錢。黃連黃芩當歸陳皮香附各一錢。桂皮木香各五分。水煎服。外與香連丸服下。後重稍輕。因進飯太早。其夜仍十數度。次早診之。右絃減半。前藥前

成吞女金丹一帖痢減大半六脉已和但軟弱
此氣血不足宜從補養用八珍湯加陳皮香附
阿膠條芩一帖全安凡孕婦痢疾後重稍輕
腹痛稍減獨痢不止必須補養血氣為主加調
養之劑為佐庶可保胎斯亦丹溪虛面而痢自
止之意也八十七

金元岩文學下午發熱痢下紅多白少一日夜七
十餘度後重下墜飲食不思左脉細數右脉滑
此陰虛之候詢知二日前曾夢遺續得痢疾陰

虛明矣。但滑脉。主食積法。當先補後攻。廼與小建中湯一帖。白芍藥三錢。桂枝七分。粉草酒連酒苓各八分。當歸一錢。枳即五分。水煎飲之。夜半復診。脉稍克指。改與枳壳三錢。桃仁一錢。當歸四錢。煎熟。吞木香枳即丸一錢五分。至天明大便瀉三次。則見糞矣。次日午進飯。又食火肉。隨即大便頻。併後重如前。與山查枳朮丸一服。不効。再為診之。六部皆虛軟無力。獨右關滑。此進肉飯太早。脾弱不能消磨。宜健脾氣。兼為升

舉人參黃耆各二錢白朮一錢升麻三錢防風
藿香炮姜粉草各五分白芍藥一錢半茯苓八
分連進二帖痢減而後重寬因食狗肉過多復
傷脾氣前方加砂仁山查調理全愈六十八

金文學達泉先生因食肝白腸為傷續又冒風就
成瘡痢日夜四十餘度小腹痛甚每登廁汗出
如雨下迫後重小水澀痛頭疼口渴下午發熱
天明始退左脉浮絃而數右軟弱中部稍滑此
內傷飲食外感風邪瘡痢併作法當速治否則

深秋陽氣潛藏邪因陷下未易瘳也。迺先與柴
苓湯一劑小便即清不痛瘡發時寒多熱少晚
與人參敗毒散加減。人參乾葛防風桂枝粉草
茯苓枳壳各五分。柴胡白芍藥各一錢。水煎飲
之。次日頭痛痢疾俱減。夜纏起三次。改與補中
益氣湯加酒。苓桂枝白芍藥。其夜瘡止。但微熱
再改胃風湯。人參白朮桂皮各二錢。白芍藥四
錢。當歸一錢五分。茯苓川芎各八分。酒苓酒連
各一錢。炮姜二錢。地榆五分。服後寒熱殄迹。夜

起一次。已是真。真前方減去桂枝。再三劑而止。
櫛出戶矣。八十九

金寄閒先生。七月既望。患頭痛。口渴。汗大洩。不飲。
嘔惡發寒。熱間日一發。而發於陽日。迺為胗之。
兩寸洪大有力。左浮絃而數。右脉稍軟。亦絃長。
此少陽與陽明合併為瘡。以柴葛解肌湯主之。
柴胡葛根各二錢。白芍藥石膏各三錢。粉草桂
枝各五分。知母一錢。姜三片。水煎飲之。次早左
脉稍退。迺與補陰鱉血何首烏丸截之。又與黃

著為藥湯一帖以防作痢。白芍藥石膏黃耆各三錢。桂枝五分。知母甘草各一錢。柴胡七分。姜三片。煎服後加人參七分。瘡竟全止而向安矣。
九十

淮陰胡少泉翁。麗水縣三尹也。令郎年弱冠。患夢遺。百治不應。體倦而氣弱。食少而汗多。四肢痿軟。頭眩。肌熱。將成瘵疾。知予在理。刑吳比部衙中。敦予為治。其脉兩寸短。左寸尤甚。餘部滑數。予曰。郎君之脉。心氣大弱。蓋心者神之舍。神者

精之主。神旺始能固精。今遺不禁。由神弱不能固攝其精。致多妄洩。時近端陽。諸症叢集。迺無注夏病也。法當養心安神。庶不成瘵。翁曰。然。前此諸公。每為滋陰降火。多不見功。徒見損脾減食。今先生主以養神。願以先生是聽。迺與人參黃耆石蓮子酸棗仁蓮苓心石菖蒲遠志當歸補心安神為君。俾精固汗斂。經曰。汗者心之液。汗多則心血愈虛。故佐以甘草白朮黃柏麥門冬五味子。魚治注夏。使飲食加而四肢壯。緩而

圖之可萬全矣。藥進甚妥。竟以此方調理。果精
固神全。肌熱盡退。又令愛及筭。頭痛微熱。經水
愆期。日多咳嗽。食漸減。肌漸消。口渴。睡卧不寧。
喉中血腥。四肢不勞而疲。體不動而汗。六脉絃
而且數。左關長出寸口。予以逍遙散加石斛丹
參。牡丹皮。酸棗。仁。山梔子。麥門冬。調理而瘳。又
一文學。貧士也。忘其姓氏。與胡少泉翁為碩交。
有奇疾。兩足不痿不痛。每行動。絕不聽其所用。
或扭於左。而又墜於右。或扭於右。而又墜於左。

玄而行不能一步步止走此亦目之稀觀竟
不識為何疾書無所考予臆度之由筋軟不能
束骨所致故行動則但斜扭墜也夫筋者肝之
所主肝屬木木縱不收宜益金以制之用人參
黃耆白芍藥以補肺金意以仁虎骨龜板杜仲
以壯筋骨以鉄華粉專制肝木煉蜜為丸早晚
服之別後三載族姪埋問公敬亭南還道出淮
陰胡少泉寄語云向者鉄粉所愈之疾淮人極
以為奇遠邇敦錄其方布傳以頌自恨貧儒弗

能致一芹為謝。旦暮額手南斗以識不忘云。九
十一

一吳氏嬪有隱疾。其夫訪於予。三造門而三不言。
恹怵而去。後又至。求言而面先諸。予因詰之曰。
諸來詣予者。皆謂予能為人決疑。瘡急也。今子
來者四。必有疑于中。疑而不露。一語雖百來而
疑終不可決。疾終不可去矣。且盈天地間。恹事
甚多。非聖智所能盡識。然亦非聖智不能通瘡
也。彼折肱錄醫以醫鑿等集。恹症。假非明

醫決而治之何以獲後人之聞見也。其夫迺俛首徐應曰：言之無任主臣。先生長者，即言之諒無哂。山婦子戶中失生一物，初長可三寸，今則五寸許矣。狀如堅筋，色赤，大可拱把，脹而且痛，不便起止，憎寒，壯熱，寢食俱減，羞澁于言。每求自盡，聞先生能為人決疑療恠，不啻扁鵲，特相訪而祈一決。予曰：疾成幾年？對曰：將百日。予曰：蓋凡所謂恠者，耳目無所聞，覩書籍無所註載。今所言者，迺陰挺症也。書有所徵，奚足言恠。夫

曰陰挺。自而生。何法而治。幾何月日而可愈也。可無。于生育否。予曰。子戶屬厥陰。肝經。肝屬木。肝有濕熱。故生陰挺。猶木有濕熱而生葦。然法當以龍胆瀉肝湯。及蠟皮散。當歸黃芩牡蠣。蠟皮赤芍藥為末。每用一錢。空心米飲調下。即而治之。大計月餘。可消釋也。奚生育之有妨哉。其夫合手頂禮於地曰。願如藥王言。敢微一料。隨按法措劑。畀之而去。甫三月。來報云。前疾果如所言。消釋無痕。茲。汛期一月不至。敢問。

原缺

曰非力弱不能行。迺左腳不可動。動即痛。應於心。是以一步不能舉也。予倪思若。色若脉皆非死候。胡治而益劇也。此必腸癰。左腳莫能舉。是其徵也。與營衛返魂湯。加金銀朮為君。與四帖酒水各一碗煎服。一帖痛稍減。二帖下臭膿半桶。痛全減。腹上膏藥不須手揭。自脫而下。由熱去而膏脫也。四帖完。其婦同匠詣吳宅拜謝。予并求善後之方。吳宅見之。一族皆驚。九十一

王祖泉大便裏急後重。腹痛日夜下紫黑稠粘三

四十度市中凡有名者雷同痢治自秋歷冬三
越月不瘳形色瘦瘁是箇厭舉即勉強僅一盞
而止眼闔懶開悉以為不治棄去訪予脉之六
部濡弱觀其所下之色甚晦如芋苗汁之狀予
曰觀此色非痢廼臟毒下血症醫說中人參樗
皮散正此對腔劑也即製與之其夜果減半終
劑全愈方以人參樗根白皮各二兩為末每空
心米飲調服二錢忌肉汁生菜魚腥九十四

癸巳秋仲南都大司馬袁洪溪老先生以兼署工

部都察院操江印。日衝暑往來各衙門而經畧其政事。致發熱燥渴。因解燥渴而過食冰浸瓜梨新藕。遂成洩瀉。小水短少。醫以胃苓湯加滑石木通車前子利之而瀉止。大便又因之結燥艱澀不堪。廼用潤腸丸。復瀉不止。又進以前通利之劑。瀉雖止。而小水竟不得流通。直遂臍下脹急。立起解之。則點滴不出。卧則流之不竭。以頻取夜壺。致通宵不得寐也。治半月餘而精神削。寢食廢。聞予寓崔勳部衙而徵予治。初見即

告以受病之源。又謂都城諸醫俱不識為何症。將認為瘧。則立鮮時。點滴不出。認為秘。卧則涓涓而流。謂為脾約。大便又不結燥。謂氣虛下陷。心血不足。而補中益氣湯與安神丸服過十晝。夜無益。雅聞先生。為手。願一診。以決之。探其脈。兩寸短弱。關緩大。兩尺洪大。語之曰。此餘暑未鮮。而司馬素善飲。濕熱流於下部也。今已下午。恐診之未準。俟明早細察。而再定方。公曰。延頸。吾子久矣。適所言。近報。願亟求一劑。飲之。徹夜。

問一睡予不得已以益元散三錢煎香薷湯送之。畧無進退。次早復脘六脉如昨。予思之而恍然悟。又語之曰。此症尿竅不對也。司馬曰。各出何書。予曰。內經云。膀胱者脬之室也。脬中濕熱下墜。故立解而竅不對。小水因不得出。則尿不下。墜而尿滲出膀胱。亦以竅不對。小水難消。涓而流。亦不能通達。直遂。故了而不了也。治惟提補上中二焦元氣。兼清下焦濕熱。斯得矣。又有一法。今氣虛下陷已久。一兩劑未能取效。安

得伏枕而睡。且此不寐非心血不足之故。因着
心防閑小便之了。而不了。而不敢寐也。暫將舊
衣或布襯於席上。不必防。而任其流出。又免取
夜器而勞動其神。自然熟睡矣。以補中益氣湯
提補上中二焦之元氣。加黃柏知母祛下焦之
濕熱。夫清陽升則濁陰自降。腦無濕熱則不下
墜。竅可對而病可瘳矣。司馬忻然請藥。夜如法
視之。果嗒然一睡。相忘其尿之出不出也。次早
視視布雖濕而不甚。以久不闔目。得此一睡。神

氣頓回。胸臆爽快。如未病者。調理四日而病全安。司馬大喜而欲留久住。緣漕運李公相延之。丞弗克也。差大馬舡鼓吹送予阡關而還。九十五

崔百原公者。河南人也。年餘四十矣。而為南勳部郎。患右脇痛。右手足筋骨俱痛。艱於舉動者三月。諸醫作偏風治之不效。馳書邑大夫。祝公徵予治。予至視其色蒼。其神固。性多躁急。診其脉左絃數。右滑數。時當仲秋。予曰。此濕痰風熱為

痺也。脈之滑為痰，絛為風，數為熱，蓋濕生痰，痰生熱，熱壅經絡，傷其營衛，變為風也。公曰：君何以治？予曰：痰在經絡，雖不害事，然非假歲月不能愈也。隨與二陳湯加鈎藤、蒼耳子、薏以仁、紅朮、五加皮、秦艽、威靈仙、黃芩、竹瀝、姜汁飲之。數日，手足之痛稍減，而脇痛如舊。再加鬱金、川芎、白芥子，痛俱稍安。予以赴漕運，李公召而行。速勸公請假，緩治。因囑其慎怒。內觀以需藥力。公曰：內觀何為主？予曰：正心。公曰：儒以正心為修。

與先務。每苦工夫無下手處。予曰。正之為義一
止而已。止於一。則靜定而妄念不生。宋儒所謂
主靜。又曰。看喜怒哀樂未發以前。作何氣象。釋
氏之止觀。老子之了得一萬事畢。皆此義也。孟
子所謂有事勿正。勿忘勿助長。是其工夫節度
也。公曰。吾知止矣。遂上疏請告。予錄前方畀之
北歸。如法調養。半年而病根盡除。九十六